

T 5240

7160(4)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

楚辭卷四

哈佛大學漢和
圖書館珍藏印

古樵李陸時雍疏

附 周拱辰別註

天問

陸時雍敘曰詩稱昊天抑何號號而天之降亂
滋甚。今人終日呼天天卒未有應者。謂天不聰。
其殆非也。屈原正其義。詭其詞。錯舉往昔為問。
斯亦無救於天而祇自恚耳。何試上自予忠名。
彌彰此問。又曷可少哉。嗚呼。自原作天問以來。

李挺曰悲感
頓踏無限深
罷再起史遷
何以復詞

而此意不明大都為覽古者之所憑弔今其詞固多存而不可論云

曰遂古之初誰傳道之上下未形何由考之冥昭瞢闇誰能極之馮翼惟像何以識之

曹莫鄧反馮皮冰反

周拱辰曰遂古之初無古也有古則有可傳無古矣又何傳斯時輕清未分幽明未剖又何由考之而極之而識之靈憲曰太素之前幽清玄靜寂寞冥默不可形像厥中惟虛厥外惟無斯謂冥滓此非問於無可問也既有天地之後未有天地之前

無之而非天也云爾

明明闇闇惟時何為陰陽三合何本何化

化叶虎為反

陸時雍曰穀梁子云獨陰不生獨陽不生獨天不生三合然後生一陰一陽而又有非陰非陽為陰為陽者三者常合而不舍也一即是本兩即是化更何本何化故曰一生二二生三三生萬物天地萬物皆然矣

周拱辰曰明明闇闇明者成其明闇者成其闇也此不專指晝夜言天地日月星辰皆是斯時非猶

上所云無形無像之時也。已恍然拓出一箇世界。凡山河大地帝王賢聖草木禽魚都有生身托命處。故曰惟時何為言。天地已闢矣。豈僅止天地之闢。已乎陰陽三合。何本何化。蓋乾坤列彼此之位。六子成交配之功。震巽同宮。坎離互體。山澤通氣。三陰三陽。合同而化也。元辰紀言陰陽之氣。各有多少。如太陰為正陰。太陽為正陽。次少者為少陰。次少者為少陽。又次為陽明。又次為厥陰。故曰三陰三陽也。三陰三陽為標。寒暑燥濕風火為主。天真元氣分為六化。以統坤元生成之用。此即本化之說也。

圜則九重孰營度之。惟茲何功孰初作之。幹維焉繫天極焉。加入柱何當。東南何虧。

內竝同加叶音基。又如字虧如字。又叶苦家反。

度待洛反。幹一作莞。竝音管。焉於虔切。篇

周拱辰曰。圜則九重。即所云天之門。以九重也。孰經營而意度之。又此九重者。馮何功力而造作之。周天三百六十五度。五百八十九分度之一百四十五。半覆地上。半在地下。左旋右迴。運行不息。如

磨蟻然有不動者以為動之綱其幹軸維縻繫在何處天極者即所云南極北極也北極出地三十六度恒見不隱南極入地三十六度恒隱不見此何所交加而默奠之也地下有八柱名山大川孔穴相通當者砥當撐持之謂俗云地缺東南非真缺也特東南低陷耳地勢有高下理自如此。

九天之際安放安屬隅隈多有誰知其數

放上聲屬音注數所

句反

同拱辰曰安放安屬言何所局限何所托根猶象

山所云天安在何處也淮南天有九野九千九百九十九隅余謂天圓地方地有四游觸着便成方隅而實無定隅又誰窮其數乎。

天何所沓十二焉分日月安屬列星安噉

沓徒合反分叶數因

反屬之欲反

舊詰日月所會謂辰一歲日月十二會所會為辰十一月辰在星紀十二月辰在玄枵之類是也若以地而言則前後左右亦有四方十二辰之位焉但在地之位一定不易而在天之象運轉不停惟

天之鵠火加於地之午位乃與地相合而得天運之正耳蓋周天三百六十五度四分度之一周布二十八宿以著天體而定四方之位以天繞地則一晝一夜適周一匝而又超一度日月五星亦隨天繞地而惟日之行一日一周無餘無欠其餘則皆有遲速之差焉張衡靈憲曰星也者體生於地。精。成。於。天。列。位。錯。峙。各。有。攸。屬。斯。言。當。矣。

周拱辰曰沓者重沓之謂亦交沓之謂天之中有地地之中有天猶易所稱緼網磨盪也十二辰支

于相配起於甲寅而天道週矣。二十八宿以是分而天之躔度不忒。東西南北以是分而地之方向不惑。歲以是分而年不亂。月以是分而時不易。晝夜以是分而人知度。十二律以是分而禮樂興。然是十二之所分也。有分十二者還須問之太乙屬有繫屬之義所謂黃道赤道循環運旋日月麗乎天也有分屬之義天一生水地二生火一結胎於離。一結胎於坎。一屬奇而專司晝。一屬偶而專司夜也。又有轉屬之義日往則月來月往則日來日

行每疾。月行每遲。日施曜而精熿。月借魄而光燦。所謂日月自相統屬也。衆星布列其以神著有五列焉。是爲三十五名。一居中央。謂之北斗。布於方爲二十八宿。中外之宮常明者百二十。有四可明者三百二十。爲星二千五百。微星之數萬一千五百二十。凡帝王卿相八事。庶物昆蟲咸繫命焉。陳者陳設也。分度分野森然布列也。又陳示也。所謂天垂象現吉凶。稽飛流隕忒。順逆伏見以察機祥。是也。

出自湯谷。次于蒙汜。自明及晦。所行幾里。

湯音陽一作湯汜音

似上聲

周拱辰曰。湯谷蒙汜皆地上川穴之名。日從地出。從地入也。朱晦翁以周天赤道答之大無謂。蓋日行空中而所過之影則有方。所猶飛鳥不着地而所過之影則涉某山某水程途近遠歷歷可數。淮南自日出於暘谷。浴於咸池。登於扶桑。至於曲阿。至於曾泉。至於桑野。至於衡陽。至於昆吾。至於鳥次。至於悲谷。至於女紀。至於淵虞。至於連石。至於

悲泉至於虞淵。至於蒙谷。自晨明至定昏。凡行九州七舍。有五億萬七千三百九里。

夜光何德。死則又育。厥利維何。而顧菟在腹。

菟與兔同

陸時雍曰。沈括有云。月本無光。日耀之。乃光光之。初生日在其傍。故光側而所見。纔如鈎耳。日漸遠。則斜照而光稍滿。對照則正圓也。余謂陽烏陰菟。乃日月之魄。假物言之者也。魄陰而闇。如目中之有黑睛。假菟言之者。菟望月而生。精相感也。沈括又謂日月在天。如兩鏡相照。而地居其中。四旁皆

空水。故月中微黑之處。乃鏡中天地所照之影。斯言恐未然也。

女歧無合夫焉。取九子。伯強何處。惠氣安在。

夫音扶。強巨良。

反在叶音紫

周拱辰曰。女歧神女。非指縫裳者。言不夫而孕九子。一乳而生。釋典號九子母。昔女媧氏無夫而生。男顛頊生女。截竹為筭。似類此。遂古至此。洪荒既闢矣。天地既奠矣。日月星既麗矣。至此漸漸生出。人來纔成世界。余謂九子。迺人類之種。女歧迺生

育之母也。伯強惠氣風屬。上指日月星。此專言風也。黃帝風經調暢祥和天之喜氣也。折揚奔厲天之怒氣也。淮南隅強不周風之所生也。諸稽攝提條風之所生也。註云隅強天神也。所云伯強卽此。何闔而晦。何開而明。角宿未旦。曜靈安臧。闔胡臘反。明叶音芒。

宿音秀臧

與藏同

舊註角宿東方星隨天運轉不常在東

周拱辰曰安臧者藏於何所也。山海經常陽之山日月所入又穹天論日繞辰極沒西而還東不出

入地中據山海經則日藏地中據穹天論則日藏空中也。吾安得凌倒景騎日月出入天地而一捫視之乎。

不任汨鴻師何以尚之。僉曰何憂。何不課而行之。音汨

骨尚叶音常
行叶戶郎反

陸時雍曰四岳薦鮪帝曰咈哉方命圯族則不任汨鴻帝所知也。而曰何不課而行之若疑之若訖之。此其所爲天問之辭難以理論事實者也。然則堯之所以使鮪者何也。當時在廷諸臣治水之事

李思謫曰識
草雅與書合

亦未有能踰鮪者僉曰可使則堯姑使之。此古人所謂不得已而用之者也。迨九載績用弗成亦未嘗加有害於天下於堯何損焉。汨治也。鴻大水也。師衆也。尚舉也。課試也。天問中有一等漫興語如此類是也。

鴟龜曳銜鮪何聽焉。順欲成功。帝何刑焉。

鴟處脂反聽叶平聲

周拱辰曰鴟龜曳銜經稱鮪墜洪水傳稱鮪障洪水國語又稱其墮高堙卑蓋鴟龜曳銜鮪障水也。也。鮪觀鴟龜曳尾相銜因而築為長堤高城參差

綿亘亦如鴟龜之曳尾相銜者然。程子曰今河北有鮪堤而無禹堤。通志曰堯封鮪為崇伯使之治水廼興徒役作九仞之城。又淮南鮪作三仞之城。諸侯悖之史稽曰張儀依龜跡築蜀城。非猶夫崇伯之智也。即其證順欲成功言順此治水未必不成功。帝何以必加之刑耶。

永遏在羽山。夫何三年不施。伯禹腹鮪。夫何以變化。

施叶所加反又如字一作弛腹一作復筆力反化叶虎瓜反又音摩

周拱辰曰書稱殛於猶言貶於實未嘗殺之則永

過在羽山似乎永不施矣而曰三年何也公羊註
古人疑獄三年而始定三年不施永不施矣惟有
永過之已耳易曰君子以過惡揚善過之云者過
抑之使不得逞其伎倆也鮪實生禹迹其聖德夙
成不但近邁父德抑且遠紹列辟何以變化之若
是神異也

纂就前緒遂成考功何續初繼業而厥謀不同

纂作管反

緒音敘

陸時雍曰箕子有言鮪陞洪水汨陳其五行蓋纂

處以障其下流之勢而禹則順而導之耳此本無
可問者而彼若謂父子異行初終殊效人事不齊
有如此者故若疑而問之也

洪泉極深何以窺之地方九則何以墳之

泉疑當作淵唐本避

諱而改之也窺與墳同則一作州墳叶敷連反

周拱辰曰按洪水滔天宜曰極大而此曰極深似
不泛指洪水言也晦翁以泉為淵極是淮南子凡
洪水淵藪有九淵禹乃息土填洪水為名山似指
此九則者九州也帝嚳制九州洪水時經塗界限

漫滅莫理洪水既治故道宛然左傳茫茫禹迹畫
為九州非禹始初畫之也言襄陵之勢既夷而九
州之界限復井然隆起歷歷可稽也

應龍何畫河海何歷

畫音或歷
叶音勒

周拱辰曰有翼而飛者為應龍應龍在禹治水畫
地泉流為說已久又嶽瀆經堯時九年洪水巫支
祈為孽蓋水妖也應龍驅之淮陽龜山足下其後
水平禹廼放應龍於東海之區又呂氏春秋大禹
東至博木日出九津鳥谷青山之鄉南至丹粟

水之際西過三危之阨巫山之下北至太正之谷
夏海之窮積冰積石之間未嘗暇息至於歷中國
之某河某海又不足言矣

鮌何所營禹何所成康回憑怒墜何故以東南傾

膺反墜
古地字

周拱辰曰鮌之營也何術禹之成也何功鮌之治
水也龜之禹之治水也龍之嗚呼此成敗之由耶

康回共工名與顓頊爭帝怒觸不周山折天柱絕
地維天傾西北地陷東南

九州安錯川谷何洿東流不溢孰知其故

安一作何錯七故反

洿音戶

周拱辰曰帝嚳制九州按孔安國註一冀州帝都
不說境界以餘州所至則可知一梁州東距華山
之陽西據黑水一兗州東南據濟西北距河一青
州東北至海西北距岱一徐州東至海南至淮北
至岱一揚州北至淮東南至於海一荊州北距荆
山南盡衡山之陽一豫州西南至荆山北距大河
一雍州西據黑水東距河龍門之河在冀州之西

錯者如犬牙相制然也川谷何洿洿深也宇宙內
有九淵極深又列子渤海之東有大壑焉實為無
底之谷東流不溢諸家皆為歸墟受之之說所誤
予嘗見善飲者至一石不醉私自念言腹僅貯一
斗餘而所受踰十倍非其量之能受迺其量之能
消即佛語所云消受也東流不溢妙處不在能受
正在能消所以為造化之神我朝楊升庵以柳子
之對朱子之註為非而曰歸墟尾閭是水之大窮
盡大升降處窮盡升降二語猶未夢見在

李思謫曰有
此快論隻立
奇古

東西南北其脩孰多南北順墮其衍幾何

墮一作墮音

妥又徒
禾反

陸時雍曰淮南子云闔四海之內東西二萬八千里南北二萬六千里禹使太章步自東極至於西極二億三萬三千五百里七十五步使豎亥步自北極至於南極二億三萬三千五百里七十五步則大較如是矣而又曰南北順墮其衍幾何則似南北狹而東西長也張衡靈憲經曰八極之維徑二億三萬二千三百里南北則短減千里東西則

廣增千里自地至天半於八極則地之深亦如之二說略殊而張言似與此合矣墮謂狹而長也

崑崙縣圖其尻安在增城九重其高幾里

縣音
玄

陸時雍曰崑崙墟在西北去嵩高五萬里地之中也崑崙說曰崑崙之山三級下曰樊桐一名板松二曰玄圃一名閶風上曰增城一名天庭是謂大帝之居淮南子云增城九重其高萬二千里百一十四步二尺六寸張子房赤霆經云崑崙天柱萬脉由起面居西雍耳目口鼻幽冀川蜀分左右背

楚圖
卷四
懸心關腦腹垂洛汭為汧為渭大河大江經絡榮
衛大腸膀胱震澤壘濟青齊以降是為髓脾洩為
尾閭西北綿亘幽寒莫詣為背為項為脊為毳下
為齧尻音居脊骨盡處以身按之乃知崑崙之尻
在西北無盡際矣齧即居也朱晦翁讀尻為居義
亦如是為釋則誤矣

四方之門其誰從焉西北辟啓何氣通焉

辟與闢同
一作開

周拱辰曰淮南崑崙有四百四十門門間四里里
間九純純丈五尺北門開以納不周之風

日安不到燭龍何照羲和之未揚若華何光

照叶之
浩反揚

一作
陽

一陸時雍曰天地間儘有陰陽不匝處東有無雷之
國西有無雨之國北有無日之國又造天地經祭
河婁國土人無有日月光

周拱辰曰山海經西北海之外有章尾山有神人
面蛇身而赤是燭九陰是謂燭龍又大荒經鍾山
之神名曰燭陰視為晝冥為夜吹為冬呼為夏身
長千里在無脊之東又淮南曰龍身一足若木在

建木西其華照下地。一借照燭龍晝常昏。一若木普光夜亦常明。同一宇宙何明暗不均。若是懸乎。

何所冬煖。何所夏寒。

周拱辰曰遠遊南州炎德桂樹冬榮又大招南有炎火千里又招魂北方層冰峨峨飛雪千里又代水不可涉天白灑灑寒凝凝只皆騷中自註又拾遺記岱輿山有員淵千里常沸騰孟冬水涸山人掘之碎火如蒸以燭投之則燃又炎海有沃焦山冬夏常沸山爲之焦淮南崑崙之丘或上倍之是謂涼風之山又水經註崑崙爲無熱丘。

焉有石林何獸能言。

周拱辰曰道阜生瑤筍千年一芽鬱然成林又拾遺記須彌山第六層有五色玉樹蔭翳五百里玉樹石色如玉也又述異記陽泉在天餘山北清流數十步所涵草木皆化爲石獸之能言者不獨猩猩也狒狒善笑作人言角端人言又含塗之國鳥獸能言又紀祥錄黃帝至東海白澤人言又夷狄

有狗國有蛇國有人魚國有鼠王國皆獸也皆言也周禮命夷貊掌鳥言命貉貊掌獸言然則獸之能言者夥矣

焉有龍虬負熊以遊

周拱辰曰熊雄猛食人形軀甚小虬龍與熊絕不相類而相負以遊蓋神熊也山海經熊山有穴焉熊之穴恒出神人卽此也

雄虺九首儵忽焉在何所不處長人何守

虺許偉反儵與倏同

周拱辰曰雄虺無考山海經開明九首抱朴子石

脩九首皆神物也雄虺意卽此類神異經不處民在交脛東其爲人黑色壽不處又無脣之國在長股東其人穴居食土處卽埋之其心不朽處百廿歲乃復更生抱朴子乘雲壘產之國肝心不朽之民是也又員嶠山有陀移國人長三尺壽萬歲長人不獨防風氏左傳僑如緣斯焚如榮如簡如同守鄭瞞之國皆是又康回首觸不周柱折維闕比身橫九竅者又過之矣又洞冥記支提國人長三丈二尺又河圖玉版龍伯國人長三十丈

靡泝九衢泉華安居靈蛇吞象厥大何如

泝一作莽泉相里反

靈一作一
大一作骨

舊註靡泝九衢言其枝九出也浮山有草其葉如
泉南海有巴蛇身長百尋食象三年而出其骨

黑水玄趾三危安在延年不成人壽何所止

周拱辰曰山海經黑水之西有朝雲之國司彘之
國又冥海北有黑河又淮南三危在樂民西又自
崑崙流沙沉羽西至三危之山玄趾無考意即所
云玄股之國者是也黑河之藻可以干歲三危之

露可以輕舉又三危金臺石室食氣不成人然遂能
與天地相畢乎徒取延年終歸有盡何所止言畢
竟有止云爾

鮫魚何所魃堆焉處羿焉蹕日烏焉解

魃音陵魃音祚堆多

回反蹕說文云射也
音畢烏柳云當作鳥

舊註鮫魚有四足似鼃而短小出南方山海經曰

西海中近列姑射山有陵魚人面人手魚身北號

山有鳥狀如雞而白首鼠足名曰魃雀食人

周拱辰曰羿焉蹕日二句舊訓株却焉字而曰羿

射九日九鳥墮其羽非也二焉字卽魁雀焉處焉
字問詞也言十日並出羿卽神射豈能發而參天
乎以何術而能射落九日也且蹲而發矢之地何
地也鳥以風化鳥爲朔風所吹轉吹轉高搏入罡
風卽化而無惟羽毛解落在地耳解羽之處還在
何所水經注流沙積羽之鄉是也

禹之力獻功降省下土方焉得彼塗山女而通之于
台桑閔妃匹合厥身是繼胡爲嗜不同味而快鼃飽

功卽音光土方句絕蓋用商頌語禽一作塗
音塗鼃一作朝陟遙及飽與繼升疑有備音

陸時雍曰問之意似謂禹承命獻功而得通塗山
女於台桑是疑聖人之忽君臣也旣閔妃匹合淮
厥身之是繼耳胡爲嗜不同味而快鼃飽又疑聖
人之輕父子也所云堯舜之抗行被以不慈之僞
名大率類此所以爲憤辭也嗜味之美人所同也
嗜不同味而快鼃飽則所安者惡食而所快者鼃
飽也則禹之所嗜不在人情之內矣鮑照詩曰居
人掩閨暇行子中夜飯食梅嘗苦酸衣綈嘗苦寒
旅人況味當自如此鼃飽猶左傳所謂蓐食書曰

娶於塗山辛壬癸甲則禹之居室僅四日耳。閔憂也。

啓代益作后卒然離蠶何啓惟憂而能拘是達。蠶一作孽

一作孽並魚列反

周拱辰曰離蠶一云啓與有扈大戰於甘一云益于啓位啓殺之越絕何以云啓善犧於益也。按說文蠶一云妖孽不祥也炎帝之繼太昊高陽之繼金天高辛之繼高陽虞之繼唐夏之繼虞皆以異姓禪者也啓獨排父之所薦以自帝衆共指爲不

祥也。一云蠶歌謠也。子輿氏所云天下之謳歌者不謳歌益而謳歌啓是也。皆出人意。故曰卒然。惟啓能克憂勤敬承繼禹故私一家之傳。不爲違天。違先人之薦。不爲恃父也。故曰啓惟憂而拘是達也。

皆歸厥籥而無害厥躬何后益作革而禹播降。厥一作射

籥音菊一作鞠降叶胡攻反

陸時雍曰宜闕

啓棘賓商九辨九歌何勤子屠母而歿分竟地。歌叶巨依

反地叶
音低

陸時雍曰山海經夏后開上三嬪於天得九辨九
歌於下朱晦翁謂啓棘賓商當是啓夢賓天說有
明文無疑也勤子屠母淮南子云禹治水時自化
為熊以通輶轅之道塗山女見而慙遂化為石時
方孕啓禹曰還我子於是石破北方而生子其石
在嵩山間意謂啓上賓天得九辨九歌此天方開
夏。豈患無嗣。禹何汲汲然者。當化石之時乃勤屠
母而歿。竟地也。人化為石。石裂竟地。則不可以

復形生。歿界分。神人道。隔在此際矣。原之此間。似
于載以下。結為無情之痛。如此要亦漫興語耳。嬪
當作賓。註謂獻三美女於天帝。妄矣。

帝降夷羿。革孽夏民。胡歟夫。河伯而妻。彼維嬪。亦反

妻七
計反

舊註傳曰河伯化為白龍遊於水旁羿見歟之眇
其左目又羿夢與洛神宓女交

周拱辰曰羿革孽夏民而歸之帝降言雖夷羿之
造孽實天意也。歟河伯妻維嬪味何歟而妻語意

李思諒曰此
註巧慧特甚

蓋一串事也。言羿既射河伯矣。雉嬪亦水神。即河伯眷屬也。不以為仇而反與之婚。何耶。河伯而魚服。處妃而行露。不可解者一也。戕其主伯。聘其妃侶。不可解者二也。馮枝而好殺。畏威而薦姻。不可解者三也。訖上帝而以為無罪。狎靈妃而以為固然。不可解者四也。凶而嗜淫。抑又甚焉。而播毒夏民。偃然盜帝。不可解者五也。

馮珧利決。封豨是歟。何獻蒸肉之膏。而后帝不若。

馮音

憑珧音遙豨虛豈反歟
叶時若反蒸一作烝

周拱辰曰。馮珧利決。言引蜃弓穿象闔也。歟。神靈薦鼎馨。媚帝而帝不若。天實怒我。逆取而順守之。得乎。似言羿事。

浞娶純狐。眩妻爰謀。何羿之歟。革而交吞揆之。

浞士角反

謀叶謨
悲反

陸時雍曰。舊註謂以羿之勇力如此。而浞有眩妻。爰謀。因與家眾交并。而吞滅之也。歟。革猶言貫革。此之為問。若疑之。實快之也。

阻窮西征。巖何越焉。化為黃熊。巫何活焉。

舊詁此言鮪事然羽山東喬而此言西征已不可
 曉或謂越巖墜歿亦無明文左傳言鮪化為黃熊
 國語作黃能熊獸名能三足鱉獸非入水之物故
 是鱉也或云東海人祭禹廟不用熊白及鱉豈鮪
 化為二物乎

咸播秬黍莆藿是營何由并投而鮪疾脩盈

秬音巨
莆一作

黃藿音九
一作藿

陸時雍曰秬黍黑黍莆藿水草也言禹平治水土
 咸播五穀莆藿之地亦得耕營厥功大矣言其

鮪之愆何故既已并投而惡聲復長滿於世也并
 投者當年之事疾盈者後世之稱原之此問蓋歎
 之也君父之事力有所不得用臣子之心常有時
 而窮若此者古今豈一事哉脩長也

白蜺嬰茀胡為此堂安得夫良藥不能固臧天式從
 橫陽離爰歿大鳥何鳴夫焉喪厥體

茀音拂得下一
有失字從卽容

反喪息
浪反

周拱辰曰王逸註列仙傳云崔文子學仙於王子
 儁子儁化為白蜺而嬰茀持藥與之文子驚怪引

戈擊蜺因墮其藥俯而視之子僑之尸也須臾化
為大鳥飛鳴而去是則然矣中間天式從橫而曰
天法有善陽離爰死而曰人失陽氣則死大謬言
于僑既得天道從橫變化之術故顯神通因文子
之擊陽為死耳陽死者伴死也化鳥飛鳴夫豈厥
體之喪而真死乎

萍號起雨何以興之撰體脅鹿何以膺之

萍一作萍
一作萍音

瓶號胡刀反撰雛
兔反脅虛業反

陸時雍曰舊詁云萍萍翳雨師名號呼也天撰十

二神鹿一身八足兩頭何以膺受此形體此當闕
疑

鼇戴山抃何以安之釋舟陵行何以遷之

鼇音敖戴
一作載抃

音弁安叶
一先反

陸時雍曰列子云渤海東不知幾億萬里有大壑
焉實惟無底之壑名曰歸墟中有五山岱嶼員嶠
方壺瀛洲蓬萊高下周旋三萬里平頂處九千里
一日一夜飛相往來不可數焉帝命禺強使巨鯨
十五舉首戴之迭為三番六萬歲一交焉五山始

峙

周拱辰曰列仙傳稱巨靈之鼇背負蓬萊之山而
 拊舞鼇即大不大於蓬萊之山也何以安之也釋
 舟陵行王逸謂鼇釋冰而陵行不通甚矣按洽聞
 記荊州有空舫夾絕崖壁立數百仞飛鳥不栖傳
 云洪水時行舟者泊爨於此疑即此山至大而鼇
 亦可負陵至峻而舟亦可遷真足傳千古之疑也
 惟澆在戶何求于嫂何少康逐犬而顛隕厥首女歧
 縫裳而館同爰止何顛易厥首而親以逢殆

龍五形
天旋叶

李思謫曰此
事宜存於本
文恐未相似

音叟易上一有隕
字殆叶當以反

周拱辰曰沈約竹書註少康使汝艾謀澆初泥妾
 純狐氏有子蚤死其婦曰女歧寡居澆強圍往至
 其戶佯有所求女歧為之縫裳同舍止宿汝艾夜
 使人襲斷其首乃女歧也澆既多力又善害人艾
 乃攻獵放犬逐獸因喉澆顛隕乃斬澆以歸兩段
 文氣倒而意實融貫親以逢殆指逐犬顛隕言也
 言汝艾欲襲殺澆而顛易女歧之首似可僥倖逃
 處矣而卒不免逐犬之厄逆賊之無逃於天誅也

如此。

湯謀易旅何以厚之覆舟斟尋何道取之

斟職深反取此苟反

陸時雍曰仲康崩相繼立依同姓諸侯斟灌斟鄩氏為澆所滅湯當是康字謂少康也

周拱辰曰一成一旅能收夏眾康可謂善謀者矣

向非虞思君娶以二姚錫之綸邑百端匡植當澆

侯秘求康之時殆矣即免於難亦庖正止耳安能

收燼滅浞祀夏配天平何以厚之以旌虞也相既

覆舟斟鄩之國矣而康復取之豈其無道而至此

其間觀變俟時強力忍詢委曲隱忍潛圖密慮經

營四十年而天命默為挽回其道得也令少康君

臣於此數十年中力淺謀疎躁不能待幾事不密

身且不保況國乎張廣漢曰其潛也若蛟龍之深

潛故其發也若雷霆之震迅惟其時也有旨哉

桀伐蒙山何所得焉妹嬉何肆湯何極焉

得叶徒力反妹音未

嬉音

喜

周拱辰曰蒙山之伐桀利在得也得一美人失一

國家折閱多矣或曰南巢之放乃與妹嬉及嬖勝

五百人同竄桀且曰猶吾得也而已矣

舜閔在家父何以鰥堯不姚告二女何親

鰥古頑反 叶音矜

厥萌在初何所意焉璜臺十成誰所極焉

意古億字 璜音黃

周拱辰曰韓非紂為象箸而箕子怖以為象箸不

盛羹於土簋則必犀玉之杯玉杯象箸必不盛菽

藿則必旄象豹胎旄象豹胎必不衣短褐而舍茅

茨之下則必錦衣九重高臺廣室聖人見微以知

萌見端以知末也璜臺十成而曰誰所極言紂之

侈奢至瓊宮玉宇亦極矣亦知即初念之萌極之

乎止濫觴者窒其穴去高木者採其蘂言謹微也

登立為帝孰道尚之女媧有體孰制匠之

媧古 華反

周拱辰曰舊以登立為帝屬伏羲非也人皇以上

燧人以下帝者多矣何以專指羲乎余謂皆指女

媧說蓋問中儘有上句不說出人名下二句纔指

出者如吳獲迄古南嶽是止孰期去斯得兩男子

吳獲迄古二句即下兩男子事也如天命反側何

罰何休齊桓九合卒然身殺天命反側二句即下

齊桓事也如何聖人之一德卒其異方梅伯受醢

箕子佯狂聖人一德二句卽下梅伯箕子事也蓋
上二句先述事迹下二句纔倒出人名問中多有
此句法女媧伏羲氏妹自古皆以男子帝天下女
媧獨以女子爲天下君豈女媧自擅而自立之乎
抑伏羲以天下私不傳之子不傳之弟不傳之臣
獨傳之妹乎又豈女媧聖德遠邁往帝羣臣百姓
自往從之乎孰道尚之言稟何道德天下翕然尊
尚之也按女媧生而神靈佐太昊正婚姻是爲神
媒共工作亂振滔洪水以禍天下女媧誅殺之都

於中皇之山鍊五色石以補蒼天斷鼈足以立四
極殺黑龍以濟冀州積蘆灰以止淫水又作笙簧
以通殊風用十五絃之瑟於澤丘以郊天佑神聽
之極悲乃更爲二十五絃以抑其情而樂乃和乘
雷車駕應龍登九天朝帝於靈門淮南所云考其
功烈上際九天下契黃墟者也傳言女媧風姓本
伏羲言之不知媧媧雲姓古聖人帝天下有不襲
姓者也河圖挺佐輔云女媧牛首蛇身宣髮玄中
記云伏羲龍身女媧蛇身列子以爲皆蛇身牛首

虎鼻蓋人之形有同乎物者今相家者流取象禽獸之形體者是也孰制匠之言孰主宰而治制之也女子帝天下者前有媧後有墨開闢以來所未有扶綱常而警伏雌可少此屈原之一問哉

舜服厥弟終然為害何肆犬豕而厥身不危敗

周拱辰曰厥身不危敗舊以為舜不誅象非也言焚廩浚井亦大逞犬豕之謀矣鳥工龍工厥身卒免於難抑何神而至此也此專指舜言後段眩弟並危纔指象說

吳獲迄古南嶽是止孰期去斯得兩男子

迄許訖反

舊註南嶽是止竄荆蠻而採藥也兩男子太伯仲雍也

緣鵠飾玉后帝是饗何承謀夏桀終以滅喪

一無夏字喪去

聲一作器

周拱辰曰王逸晦翁咸謂湯承用伊尹之謀滅桀自來無以君承臣之說語氣亦直致無文且終以二字如何着落言伊尹烹鵠羹薦玉鼎以干湯於是尹承湯密謀以事桀而終以滅桀也竹書十七

年商使伊尹來朝二十年伊尹歸於商呂氏春秋
湯欲令伊尹往視曠夏恐其不信乃自射伊尹伊
尹奔夏三年聽於妹嬉之言以告湯湯良車七十
乘必死六于人以戊子戰於郟遂禽伊摯就桀湯
實命之承謀者承湯之命為桀謀也始輔之卒滅
之聖人舉動若是兩截乎。

帝乃降觀下逢伊摯何條放致罰而黎服大說

乃一作力

摯如字即說叶稅
摯音哲即說音悅

周拱辰曰降觀者即所云成湯東巡也不意中得

一良相故云逢聲罪而黎服大說雖水火之民易
見德然堯舜禪而民說湯放伐而民亦說古今升
降之際可為慨然

簡狄在臺學何宜玄鳥致貽女何喜

臺叶徒其反學
苦篤反貽一作

詒喜叶音嬉一
作嬉叶音基

周拱辰曰娥女吞鵲卵生契事詳見商頌史記又
高辛氏與簡狄祈於郊禱鵲遺卵簡狄在臺豈築
臺以郊故云在臺乎

該秉季德厥父是臧胡終弊于有扈牧夫牛羊

陸時雍曰宜闕

干協時舞何以懷之平脅曼膚何以肥之

懷叶胡威反曼音萬

陸時雍曰有苗逆命頑已甚矣而舜以干羽合舞

兩階七旬乃格遵何道與是可念也實可師也當

紂之時人心離矣憂懼不遑而平脅曼膚何所養

而肥澤至此是可哈也復可鑿也

有扈牧豎云何而逢擊牀先出其命何從

豎臣庚反命何一作

所何

陸時雍曰宜闕

恒秉季德焉得夫朴牛何往營班祿不但還來

朴匹角反

一云平豆反無朴音牛叶魚奇反來叶力之反

周拱辰曰朴牛事衆解憤憤越絕書曰湯獻牛荆

之伯之伯者荊州之君也湯行仁義敬鬼神當是

時天下未從也湯於是乃飾犧牛以事荆伯乃媿

然曰失事聖人禮乃委其誠心此謂湯獻牛荆之

伯也恒秉季德者睦鄰之德終如其始也淮南子

曰始乎叔季歸乎伯孟季德者初德也湯得朴牛

而不以自享日以享鄰湯之祿也荆得之而薦其

子思語此
等史宜他評

祖先且以謝過荆之祿也兩皆受其賜豈區區尋
常往來之禮乎故曰往營班祿不但還來

昏微遵迹有狄不寧何繁鳥萃棘負子肆情遵一作循

陸時雍曰舊註謂人循闇微之道為戎狄之行者

不可以安其身晉大夫解居父聘吳過陳之墓門

見婦人負子欲與之淫婦人引詩刺之曰墓門有

棘有鸚萃止余謂此事不類故宜闕之

眩弟並淫危害厥兄何變化以作詐而後嗣逢長害

作虞兄叶虛良反
而一在嗣字下

陸時雍曰王遂以為象封有鼻是也有鼻之祥修

短無聞問意似謂以象之作詐當不能保其身而

何有於子孫也然黃帝分封萬國周之同姓封者

七十豈盡懿德哉有先王之令德以庇其子庶有

天之福澤以昌其本枝固宜咸保令融有引勿替

也象至不道得舜而昌殷士膚斂其麗不億因紂

而亡嗚呼念之哉

成湯東巡有莘爰極何乞彼小臣而吉妃是得莘所

得川徒
力反

周拱辰曰何乞彼小臣而吉妃是得言乞小臣而何以必借煤於吉妃也嘲之也世紀湯感夢有人抱鼎俎對已而笑寤而求伊摯於有莘之野有莘之君留而不進湯乃求婚於有莘之君遂嫁女於湯以摯為媵臣巧於聘妃巧於聘臣者乎

水濱之木得彼小子夫何惡之媵有莘之婦

一無彼字惡鳥

路及婦叶芳片反

陸時雍曰伊尹母姪夢神女告之曰白竈生鼃亟去無顧居無何白竈中生鼃母去東走顧視其邑

盡為大水母因溺水化為空桑之木冰龍之後有

小兒啼冰涯人取養之既長有殊材有莘惡其從

空桑出因以媵女夫何惡之媵有莘之婦蓋歎之

也所云棄騏驥而不乘更遑遑其焉索者非歟

周拱辰曰伊生空桑為說已久夫何惡之媵有莘

之婦湯乞小臣借謀於吉妃伊尹有湯借兆於莘

婦然則謂有莘之女為商家四百九十六年薦賢

之功臣亦可也

湯出重泉夫何臯尤不勝心伐帝夫誰使挑之

臯古罪字

尤叶於其反
挑徒了反

周拱辰曰太公金匱桀怒湯以諛臣趙梁計召正
囚之均臺寘之重泉湯乃行賂桀遂釋之賞之贊
茅不勝心伐帝舊訓誤甚言伐帝非湯本心有挑
之者矣分明指伊尹說說湯以至味曰天子然後
可具以味挑也奔夏三年反報於亳曰桀迷於妹
嬀好彼琬琰以謀挑也

會龍爭盟何踐吾期蒼鳥羣飛孰使萃之

舊詰武王伐紂紂使膠鬲視武王師膠鬲問曰欲

張煥如曰當
武王視師之
時未有紂名
此記事之不
善耳

以何日行師武王曰以甲子日膠鬲還報紂會天
大雨道難行武王晝夜行或諫曰雨甚軍士苦之
請且休息武王曰吾許膠鬲以甲子日至殷令報
紂矣吾甲子日不到紂必殺之吾故不敢休息以
救賢者之歿也遂以甲子日誅紂

周拱辰曰此下四段段段有不滿武王意亦屈原
附夷齊之義也言武王冒雨急進豈真欲救膠

鬲之歿哉非爭其失期也爭其得時耳鷹隼之衆
羣集飛揚問誰統帥之此非指武王指尚父也堂

堂之師必借謀於陰符六韜之將畧何歟

列擊紂躬叔旦不嘉何親揆發定周之命以咨嗟無一

何字一無
之以二字

周拱辰曰太白之懸亦太慘矣曰不嘉曰咨嗟明乎且雖佐發定命非其心也况親斬紂頭比巢門

之禽更甚乎

授殷天下其位安施反成乃亡其罪伊何施叶所加
反若如字

卽下何叶音
奚反一作及

周拱辰曰何以曰授殷天下三分有二以服事殷

殷之天下實周授之也猶三以天下讓意其位安

施言讓之以位則宜知所以善保其位矣而善保

之術又安施耶成全也言父委曲全之子一旦廢

之紂雖得罪於天未始得罪於臣其罪伊何恐數

紂之罪而紂不服也

爭遣伐器何以行之並驅擊翼何以將之行叶戶
郎反

周拱辰曰爭遣伐器言遣調戰伐之器也並驅擊

翼並進而擊其左右翼也何以行之何以將之皆

隱語言以仁伐不仁何用許多陰謀權詭使後世

疑也

昭后成遊南土爰底厥利維何逢彼白雉

底音指

舊詁昭王南巡船壞而溺卽左傳所云南征不復也白雉無考

穆王巧梅夫何周流環理天下夫何索求

梅芒改反周上一有

爲字

周拱辰曰梅說文訓貪晦翁因訓貪求則下句夫何索求句便贅矣余謂當訓貪樂之貪爲是言穆王挾造父駕八駿勞馮夷銘玄圃釣珠澤射麗虎

謁王母而答歌過非公而縱博荒淫肆樂足跡幾遍天下焉既已爲天下君而僕僕車塵馬足抑似有求而勿獲者何故乎

妖夫曳銜何號于市周幽誰誅焉得夫褒姒

銜焚絹反

陸時雍曰周之亡褒姒爲之也褒姒亡周自壓弧箕服始也先童謠曰壓弧箕服實亡周國及是夫婦牽行賣壓弧箕服於市者而執之夜亡聞女啼聲收以奔褒後褒人入以贖罪是卽幽后所爲褒姒者也夏之衰也二龍止庭言曰余褒之二君也

告以糈幣。龍亡而遺其糈。橫糈。至周厲王之世。啓
 橫。糈流為玄龜。入後宮。處女遇之。孕。生女。棄去。彼
 屨。弧箕服者。所為挾以奔。襄也。原之言曰。妖夫曳
 銜。何號于市。意是夫之非人也。且號之有所使也。
 周幽誰誅。非周幽之罪也。褒姒之從來遠矣。其得
 入於王宮。怪矣。焉得夫褒姒亦非褒人之所知也。
 離騷九章止。言人事。天問言天。亦無所歸。咎云爾。
 天命反側。何罰何佑。齊桓九合。卒然身殺。

會殺

音絀

佑叶於忌反。合一作

厲拱辰曰。言何以條佑之。而牛耳中原。條罰之。而

厲尸楊門之扇也。任管仲則霸信。豎刁易牙諸人

則亂。原曰。何罰何佑。吾則曰。亦自罰自佑。

彼王紂之躬。孰使亂惑。何惡輔弼。讒諂。是服。

惡烏路反。諂一

作調服。即服食之服。晦翁訓作事非是。

周拱辰曰。內惑於妲己。所謂女戎也。外惑於飛廉

惡來。諸人猶之男戎也。彼王紂之躬哉。所云資辨

捷給。聞見甚敏。材力過人。以天下為咸出已下者

也。具曰。予聖誰知。烏之雌雄。此語若為商辛寫照。

比于何逆而抑沉之雷開何順而賜封之封叶孚音反

周拱辰曰雷開阿紂進諛言紂賜金玉而封之賞

以夏田或諫曰非時也君踐一月之苗民失終歲

之食其可乎殺之

何聖人之一德卒其異方梅伯受醢箕子詳狂梅音免詳

音祥

周拱辰曰箕子為之奴蓋囚之為奴如漢法髡鉗

為城旦春論為鬼薪是也一勁直數諫不避菹醢

一不瞽不聾托之佯狂迹異而忠君悟主之心則

一也

稷維元子帝何竺之投之于冰上鳥何燠之竺一作篤燠音

郁

舊詁后稷名棄帝嚳之子其母有邠氏曰姜嫄出

野見巨人跡說而踐之遂身動如孕居期生子棄

之冰上鳥覆翼之竺當為天祝予之祝或天天是

椽之椽以聲近而譌耳

何馮弓挾矢妹能將之既驚帝切激何逢長之伯昌

號衰秉鞭作牧何令徹彼岐社命有殷國

周拱辰曰弓矢王逸以為后稷固非補以為武王亦未必大約不外周事者近是竹史王嘉季歷之功錫之圭瓚巨鬯彤弓茲矢九命為伯周之馮有弓矢也舊矣既浸以逼帝帝何以不疑而長任之號衰者撫此衰世而施號令以蘇之也魴魚頰尾窮民之仰望父母也久矣秉鞭作牧不止作六州之牧史編明年伐犬戎明年伐密須明年敗耆國又明年伐邠又明年伐崇侯虎而作豐邑又王命西伯得專征伐時三十三年也周受天命自此年始所以卒能大岐之社於天下撫有殷國又何疑乎

遷藏就岐何能依殷有感婦何所譏

周拱辰曰遷藏非徙寶藏之說讀乃積乃倉一詩則藏乃蓋藏之藏也依亦非百姓隨依之不舍也益曰父曰利用為依遷國蓋流泉夕陽幽居允荒天設險勝能依之以基王也殷有感婦何所譏非譏惑婦譏用惑婦者耶

受賜茲醢西伯上告何親就上帝罰殷之命以不救

告叶古后反帝
下一有之字

陸時雍曰紂烹伯邑考以賜文王文王食之紂曰孰謂西伯聖者乎食其子而不知斯時紂之惡亦酷矣文王飲聲不言臣罪當誅况其子乎醢梅伯以賜諸侯得罪於天下矣西伯乃上告帝帝怒而致罰殷之命遂以不救語曰棄賢實惟棄天貫盈之罪所必不赦乎

師望在肆昌何識鼓刀揚聲后何喜

識與志同喜叶許寄反

周拱辰曰散宜生南宮适闕天學於太公太公見

三子之為人遂酌酒切脯約為朋友聲臭之合也

日何識日何喜風雲之契別有機緣劉勰新論口

堯之知舜不違桑陰文之知尚不以永日眉映之

微而形於色聲音之妙而動於心必待其下屠屠

牛上屠屠國之語而識之而喜之淺之窺聖人矣

武發殺殷何所悒載尸集戰何所急

邑悒音

周拱辰曰湯之伐桀放之而已竹書十八年桀卒

於亭山湯命禁絃歌舞是湯猶以天子之禮待之

桀也武則竟殺紂矣弔伐同而放殺異公憤乎私

陸時雍曰成

湯有慚仲虺

釋之武王誅

紂而不以為

意然夫子曰

湯武革命順

乎天而應乎人而武王且以一人衡行爲恥意聖人心事各有所存耳

憤乎載尸集戰王逸以爲載木主是矣味何所急語氣似與父死不葬爰及于戈意同大抵屈原千古狷忠也其於商周革命之際扼腕久矣信讒齎怒忍尤攘詢一種美人遲暮之思宛然臣罪當誅首陽采薇心事故於湯伐桀則曰終以滅喪曰何條放致伐於武伐紂則曰何所罷又曰何所急噫原所以悼下土之紛紜而願侶彭咸以自沉也

伯林雉經維其何故何感天抑墜夫誰畏懼

陸時雍曰宜闕

皇天集命惟何戒之受禮天下又使至代之

陸時雍曰授大寶詔大戒天不以位私人也其戒伊何孟子與之申說天與董仲舒之所對武帝者是也天與之人奉之所謂受禮天下也世受命而忘戒者多矣故爲問以醒之既受命於天下矣又使至代之甚矣其可畏也

周拱辰曰此亦命不於常意然非德后虐仇之說也古來如舜之代堯禹之代舜周之代商命之正也如羿與浞之代夏命之變也神器一耳有德者

居之以旌厥伐有力者亦有時讓之以逞其不肖
之心福善禍淫正不必爾此正造物之茫茫未可
以理叩也

初湯臣摯後茲承輔何卒官湯尊食宗緒

舊詁初湯臣摯以為凡臣耳後知其賢而以為凝
承輔弼也尊食宗緒上祀先人下及子孫也

周拱辰曰官即官天下之官卒官湯者推湯於諸
侯之上而為天下君也尊食猶玉食萬方意

勳闔夢生少離散亡何壯武厲能流厥嚴

嚴叶五郎
友詩殷武

篇有
此例

陸時雍曰闔吳王闔廬夢闔廬之祖壽夢勳功也
吳之強自闔廬始屈原所以勳之也

周拱辰曰勳闔夢生言勳闔乃壽夢所生也少小
散亡在外乃能刺王僚代為吳王後用伍員為將
碎鐘鞭尸聲震鄰國是能振其猛厲而流其威嚴
也事詳在吳世家屈原後言之以警楚乎

彭鏗斟雉帝何饗壽命永多夫何長

饗叶虛
良反

周拱辰曰王逸訓鏗進雉羹於堯堯饗之而錫以

壽考至八百歲子厚又誤承之曰夫歿自暮又誰
饗以俾壽夫必饗之而俾以壽則帝當作上帝纔
通若謂堯錫鏗壽則堯胡不能自壽至八百乎余
謂二句平讀便自躍然言堯非嗜味者也鏗斟雉
而堯饗之爵之彭城果僅味之薦乎抑重其道德
焉而庸之乎壽有所受之者也鏗之延長何術之
修豈熊經烏申之術乎抑別有修心鍊性之秘乎
按彭鏗隱雲母山食雲母不老後又為商大夫地
行仙也

中央共牧后何怒蠡蛾微命力何固

牧一作收一作
收蠡音風蛾古

蟻
字

陸時雍曰宜闕

驚女采薇鹿何祐北至回水萃何喜

祐叶於
忌反

周拱辰曰驚女句指夷齊事也文選夷齊畢命於
淑媛五臣注夷齊采薇首陽一女子見而譏之曰
子義不食周粟此亦周之毛也又夷齊餓於首陽
白鹿乳之言采薇而驚來女子之譏遂棄薇而餓
白鹿又何以祐之而薦之乳乎北至回水或另一

事未有考闕之

兄有噬犬弟何欲易之以百兩卒無祿

噬音筮
兩音亮

周拱辰曰王逸以為秦公子鍼之事然與左傳不

同闕之

薄暮雷電歸何憂厥嚴不奉帝何求

伏匿穴處爰何云荆勲作師夫何長

自此至終篇
皆隔句叶韻

悞過改更我又何言吳光爭國久余是勝

悞一作寤
更音庚言

叶音銀勝

叶音商

何環穿自閭社丘陵爰出子文

環穿自閭社丘陵七
字一作環閭穿社以

及丘陵是淫

是蕩十二字

吾告堵敖以不長何試上自予忠名彌彰

試一作議
予音與彰

一作章

周拱辰曰薄暮雷電以下舊註瑣碎晦滯朱晦翁

又指為不可曉余熟讀數過瑩亮流暢語脉一貫

解人自曉耳若曰雷填填兮雨冥冥此何時也吾

其歸歟臣奉主為嚴君厥嚴欲奉而不得奉或者

忠未盡焉帝其怒我乎蹇蹇為患退修初服伏匿

穴處余固甘之夫荆而日循師矣豈靈長之道乎

李思誌曰意
融手快諸解
可付祖龍

倘先王有靈大悔君心而光照前業我又何言然
而隣敵日窺忠臣欲盡強侮多吳光之輩而異姓
少子文之人人之云亡邦國疹瘁吾蓋告堵敖以
不長也吳光子文堵敖皆借語不敢顯指也若夫
以所不必聽者嘗試君而自予以忠名余則何敢
夫捷徑窘步而令臣以忠名彰則君危矣蘭邪椒
佞而我獨以忠名彰則我又危矣不忠不可而忠
又不可何途之從而可乎一段真懇痛哭之懷最
為溢露讀者自得之

陸時雍曰或問乎余曰屈原之作天問也夫曷
問乎爾曰天不平也已不平矣又曷為問之曰
天失其平人爭溺焉賢以為佞佞以為賢故有
問也者而省之省之天之所不得有辭於人也
已問矣已省矣為是寤而遂正之者為是信而
不得已焉者也曰天聽而堅尚其人之與言屈
原忠矣天將以為不肖其誰能爭之為是寤而
遂正之者人將意而爭與之也如其天其不可
問也久矣

本圖

卷四

